

水經注集釋訂訛

水經注集釋訂說

欽定四庫全書

水經注集釋訂訛卷三

歸安沈炳巽撰

河水三

河水又北過北地富平縣西

富平縣即今靈州所地

河側有兩山相對水出其間即上河峽

即今寧夏衛西南一百四十

十里峽口山是明一統志云在衛西南一百四十里兩山相夾黃河經其中一名青銅峽上有古塔一百

八座世謂之青山河水歷峽北注枝分東出

河水又北逕富平縣西

今靈州所西南有富平縣故城

秦置北地都尉治縣城王莽名郡為威戎

按漢志作威成一本

作威武

縣曰特武

漢志作持武

建武中曹鳳字仲理為北地

太守政化尤異黃龍應於九里谷高岡亭角長三丈

朱本作尺

大十圍稍至十餘丈天子嘉之賜帛百匹加秩

中二千石

河水又北逕薄骨律鎮城

城在河渚上赫連果城

錐指作果園

也桑果餘林仍列洲

上但語出戎方不究城名訪諸耆舊咸言故老宿彦
言赫連之世有駿馬死此取馬色以為邑號故目城
為白口騶韻之謬朱云韻字下當有轉字謂白口騶轉讀薄骨律耳遂仍今
稱所未詳也

錐指云薄骨鎮城在今蘭州所境唐朔方節度使
治所元和志靈州理迴樂縣本漢富平縣縣枕黃
河後魏刁雍為薄骨律鎮將上表請開富平西三
十里舊渠通河水溉公私田四萬餘頃人大獲其

利又薄律骨渠在縣南六十里溉田千餘頃靈武
縣東南至靈州十八里黃河自迴樂縣界流入漢
渠在縣南五十里從漢渠北流四十餘里始為千
金大陂其左右又有胡渠御史百家等八渠溉田
五百餘頃按五代唐長興中朔方帥張希崇亦引
河渠興屯田以省漕運民夷愛之今靈州所境田
多沃饒恒無曠涸之患賴黃河之灌溉也

河水又逕典農城東

世謂之胡城又北逕上河城東世謂之漢城薛瓚曰

上河在西河富平縣即此也馮參為上河典農都尉

所治也

何氏云漢書馮參傳無典字蓋典農之名始于建安也續書百官志云邊郡置農都尉主

屯田
殖穀

河水又北逕典農城東

按錐指引此作又逕北典農城東二城皆上河典農都尉馮參

所治也在今

靈州所界

俗名謂之呂城皆參所屯以事農

朱校宋本農下有一畝字

河水又東北逕廉縣故城東

廉縣漢屬北地郡其故城當在今靈州所西南

王莽之西河亭地理志曰卑移山在西北

河水又與北枝津合

水受大河東北逕富平城所在分裂以溉田圃北流入河今無水爾雅曰灇反入言河復決入者也河之有灇若漢之有潛也

河水又東北逕渾懷鄆西

地理志曰渾懷都尉治塞外者也太和初三齊平徙
歷下民居此遂有歷地之名矣南去北城三百里

南去

北城恐誤漢志渾懷都尉在北地郡富平縣疑當作
南去北地元和志懷遠縣在靈州東北隔河一百
二十里廢靈武城在縣東北隔河一百
里其城本蒙恬所築古謂之渾懷鄣

河水又東北厯石崖山西

今在平羅所東

去北城

城亦當作地

五百里山石之上自然有文盡若戰

馬之狀粲然成著類以圖焉

朱云當作頗似圖畫

故亦謂之畫

石山也

又北過朔方臨戎縣西

河水東北逕三封縣故城東漢武帝元狩三年置十

三州志曰在臨戎縣西一百四十里

按漢志三封屬朔方郡其故城

在今榆林衛界廢夏州西南長澤縣北二十里

河水又北逕臨戎縣故城西

漢元年立

按漢志臨戎縣武帝元朔五年置今云漢元年誤

舊朔方郡治王

莽之所謂推武也

河水又北有枝渠東出謂之銅口東逕沃野故城南

元和

志沃野故城在天德軍城北六十里即後魏六鎮從西第一鎮也乃雍上表云臣鎮去沃野鎮八百里道多深

沙輕車往來猶以為難

漢武帝元狩三年立王莽之綏武也枝渠東注以溉
田所謂智通在我矣

河水又北屈而為南河出焉河水又北迤西溢於窳渾
縣故城東

漢武帝元朔二年開朔方郡治又有西部都尉治有
道自縣西北出雞鹿塞王莽更郡曰溝搜縣曰極武
其水積而為屠申澤澤東西一百二十里故地理志
曰屠申澤在縣東即是澤也關駟謂之渾澤矣屈從

縣北流

漢甘露三年董忠送韓邪單于出雞鹿塞後漢永元初竇憲出雞鹿塞伐匈奴是也窳渾

縣故城今在

廢賓州西北

河水又屈而東流為北河逕高關南

地理志曰朔方臨戎縣北有連山險

于長城其山中斷兩峯俱峻俗名為高關也

史記趙武靈王既襲胡服自代並陰山下至高關為

塞山下有長城長城之際連山刺天其山中斷兩岸

雙闕善能雲舉望若闕焉節狀表目故有高關之名

也自關北出荒中關口有城跨山結局謂之高關戍

上古迄今

朱箋云大事記注引此作戕然雲舉常置節狀作即狀上古迄今作自古及今

重捍以防塞道漢元朔四年衛青將十萬人敗右賢

王於高闕即此處也

漢書匈奴傳元朔四年春漢遣衛青將六將軍十餘萬人出朔

方高闕右賢王以為漢兵不能至飲酒醉漢兵出塞六七百里夜圍右賢王大驚脫身逃走精騎往往隨後去漢將軍得右賢王人衆男女萬五千人裨小王十餘人河水又東逕臨河

縣故城北漢武帝元朔三年封代恭王子劉賢為侯

國王莽之監河也漢武帝元朔二年大將軍衛青絕

梓嶺梁北河是也

漢書衛青傳上曰車騎將軍青度西河至高闕絕梓嶺梁北河如淳

曰絕度也為北河作橋梁也按通典曰河經靈武郡西南便北流凡千餘里過九原郡乃東流漢人謂之西河自九原以東漢人謂之北河然北河之名秦已有之史記惠文王後五年遊北河昭襄王十八年又之上郡北至河目縣西河是也

河水自臨河縣東逕陽山南

臨河故城在今榆林衛西北

漢書注曰陽山在河北指此山也東流逕石跡阜西

是阜破石之文悉有鹿馬之跡故斯阜納稱焉南屈

逕河目縣西

西朱本作左董訥夫云疑在為左字之訛作左為是

北假地名也

自高闕以東夾山帶河陽山以去

謝云宋本作陽山以西

皆北

假也史記曰秦使蒙恬將十萬人北擊胡度河取高

闕據陽山北假中是也

史記注北假北方田官主以田假貧人故云北假應劭曰

北假在北地陽山北正義曰括地志云漢五原郡河目縣故城在北假中北假地名也在河北今屬勝州

銀城縣

北河又南合南河上承西河東逕臨戎縣故城

北又東逕臨河縣南又東逕廣牧縣故城北又

朱本作有

東部都尉治王莽之鹽官也逕流二百許里東會于

河

錐指云陽山即陰山也山在中國之極北故名陰

山水北曰陽山河水之北故亦謂之陽山徐廣云
陰山在河南陽山在河北非也漢書侯應曰北邊
塞至遼東外有陰山東西千餘里草木茂盛多禽
獸本冒頓依阻其中治作弓矢求出為寇是其苑
囿也孝武出師征伐斥奪此地攘之于漠北建塞
徼起亭隧築外城列屯戍以守之然後邊境得用
少安計陰山綿亘千餘里直抵遼東非河南所能
容益信徐說之謬王莽傳云五原北假膏壤殖穀

臨戎縣見前廣牧縣故城在今榆林衛地界

河水又南逕馬陰山西

史記音義曰五原安陽縣北有馬陰山

漢書音義曰陽山在河北陰山在河南謂是山也而即實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是議誌

何改

志之僻也陰山在河東南則可矣